

Sakkie Parsons E-Pos Bediening

E-pos: sparsons@absamail.co.za

Sel: 082 -568 2704/Tel: 012-543 3669

SKROPLAP OF WITDOEK

Ek het eendag vir mense gaan kuier en die vrou het, as ek reg onthou kort tydjie gelede van die kraaminrigting af terug gekom met haar baba.

Sy gee my toe die baba om 'n bietjie vas te hou en die kindjie het, wat ek net kan beskryf as, my heeltemal oorweldig.

Want, terwyl ek die slapende wonder in my arms hou, het hierdie oorweldigende gedagte my getref.

Ek is in die teenwoordigheid van 'n mens wat nog nooit vir my God teleurgestel het nie.

Dit was vir my wonderlik, Dit was vir my groots.

Ek dink dit was toe ek aan die doek wat die kind aan gehad het vat wat die volgende gedagte in my kop tot 'n lied vorm gekry het.

Ek wil net noem, dat dit was nog een van die outydse doeke en nie 'n weggooidoek nie.

Ons almal begin die lewe as 'n spierwit doek en baie van ons eindig, as 'n skroplap, waarmee satan allerhande gemors mee opvee.

Dan kom God en Hy stel Homself aan my voor en neem die ou vuil, stinkende skroplap en ek word weer spierwit gewas in die bloed van Christus.

Dan doen baie van ons 'n verstommende ding.

Party doen dit feitlik onmiddellik en party doen dit na verloop van 'n paar maande of 'n paar jaar.

Ek gaan terug na satan toe en bied weer my dienste aan as skroplap.

Daaraan het ek gedink, terwyl die "sonder sonde mensie" in my arms lê en slaap.

Hier is dan die lied wat ons Here vir my gegee het.

Skroplap of Witdoek

Verse 1.

Elkeen van ons was eenmaal, nes 'n spier wit doek gewees.

As baba het jy daar gelê, die toonbeeld van jou God se Gees.

En jare, jare later, hoe het jou beeld toe gelyk?

Die vuilgoed en die modder, die skroplap in die slyk.

Koor:

Hoe lyk jy hier vandag?

Hoe lyk jy hier vandag?

Hoe lyk jy hier vandag?

Hoe lyk jy hier vandag?

Kom sê my.

Is jy 'n witdoek of 'n skroplap?

*'n Skroplap of 'n witdoek??
Hoe lyk jy?*

Verse 2

*Want toe kom daardie ou duiwel en jy het sommer gou op gegee.
'n Skroplap waarmee hy sy gemors mee op kon vee.
Tog jou wasmiddel is so kosbaar, ja, duur was jy gekoop.
Antwoord, moet jou God weer vuilgoedhoop toe loop?*

Koor:

*Hoe lyk jy hier vandag?
Hoe lyk jy hier vandag?
Hoe lyk jy hier vandag?
Hoe lyk jy hier vandag?
Kom sê my?
Is jy 'n witdoek of 'n skroplap?
'n Skroplap of 'n witdoek?
Hoe lyk jy?
Hoe lyk jy?
Kom sê my?*

Judas 1:24-25 *Aan Hom nou wat magtig is om julle vir struikeling te bewaar en julle sonder gebrek voor sy heerlikheid te stel met gejuig, 25. aan die alleenwyse God, ons Verlosser, kom toe heerlikheid en majesteit, krag en mag, nou tot in alle ewigheid! Amen.*

Groete
Sakkie

Indien u hierdie e-pos lees en wel gereelde e-pos van my wil ontvang, stuur asseblief u volle e-pos adres in die "subject box" na sparsons@absamail.co.za

Moet asseblief nie 'n leë e-pos stuur nie.

Aangesien ek blind is en gebruik maak van 'n sagteware program waar die rekenaar met my praat, sal ek nie weet of dit 'n foto of leë e-pos is wat ek ontvang nie. In albei gevalle sal my rekenaar net stil bly.